

會稽魏先生手著

保赤全書秘本

活幼心法

次

翼聖堂梓行

聞人氏痘疹論序

大學曰若保赤子心誠求之醫以小兒爲啞科難瘡而療瘡疹尤爲難也可不懷惻隱之心乎欽惟

聖朝頒降聖濟總錄其論瘡疹曰小兒稟受純陽臟蘊熱或遇時疫遂變瘡疹速宜疎利臟腑然亦須詳審若大便已利或瘡疹已出皆不可疎亦不可干既瘡之後尤宜利去餘毒倉公扁鵲常用油劑草劑其法最妙此總論本乎素問爲通治之大法天下後世所當遵而用之詎有南北之間乎孫思邈千金方以黃連苦參猪膽青黛大黃等藥解毒除熱聖方

治法亦云疎利與總論無異焉其間名醫世出錢大
董氏王子亨丁道濟陳良甫寵安常諸家皆主疎利
獨朱奉議之論云疎轉首尾皆不可下其方中却有
洗心散治之內加黃麻若要源轉則熱服又有水解
散治庖瘡未出煩燥或出身體尚發熱及出不快大
黃麻黃表之得汗利便瘡又有無比散用水銀膩粉
腦麝取轉下如爛魚腸之類涎臭惡物便安若此則
可轉可下利矣識者疑其一家方論自相冰炭者何
歟及觀陳文中援黃帝岐伯曰陽盛陰虛冰雪不知
寒陰盛陽虛沸湯不知熱治之何如陽盛則補陰大

香散加丁香官桂陰盛陽虛異攻散加木香當歸識
者評其陰盛陽盛一槩俱用熱藥本非黃岐之經者
類乎實實虛虛抱薪救火若曰皆屬心火又不可與
素問同日而語也又觀其本方治痰實壯熱胸滿喘
急大便堅實用柴胡枳殼湯亦有大黃其諸方之用
柴胡黑參知母黃芩石膏滑石之類亦未嘗專於熱
藥也奈何世人喜熱而畏寒致有陰陽偏盛之患終
不省誤瘡瘍心火之證乎鄭端友曰首尾證平下之
者誤實熱不下者誤首尾虛寒不補者誤誠我是言
也劉守真論瘡疹未出誤以熱藥致陽熱轉甚則重

密出不快多致黑陷而歿世俗六恐是斑疹不敢服藥以誤小兒諸病多矣亦不知古人留涼瀉之藥使熱勢稍退而稀少出快早得痊愈若用涼膈散最爲妙耳

此劉守真未出時用

張子和云斑疹之作多於五寅五申

歲相火故也世人多以熱藥發之其失甚多紫黑青色大小不齊此蓄熱在內必生喘脹十歿八九善治者莫若先用承氣湯疎藥使大開門戶自然出快更宜預先用白虎湯加人參或涼膈散之類先發之也此證若不疎瀉斑疹而必生別證或痢或癰也又云朱奉議首尾不可下使人戰戰兢兢不敢用藥歿者

塞路矣此證皆因相火豈有寒歟又云有人棄瘡癰
歾兒於水中熱得水涼而解之得以活者至於羅謙
甫所集潔古東垣海藏三家一宗之書論世俗相傳
之害有三首尾不可下一也朱奉議之爲此戒者蓋
必有下而失之者爾自首至尾果有當下之論通利
之可也又云必溫煖覆蓋不令通風氣二也若發於
凝冬之時病體涼而惡風寒不使通風氣則變生他
證也又云瘡初生卽以驢乳紫草葡萄胡荽之類併
發之三也如其瘡雖出而不漸次長發則必安其裏
而發其表其瘡日生而日長如循循如度其又以

疊以雜藥諸物發之使毒併出不爾小兒難禁

比北

醫東垣潔古海藏三老先生論世傳二害當改正

或因通今審思明辯寒者

溫之熱者涼之虛者補之實者瀉之不偏倚而得中和同躋仁壽之域是誠老拙之所願望也其千金聖惠等方與夫諸方論部帙甚多民間少有見者謹撫痘疹類書附以得效方法刊行且以章聖朝生生之大德云

肯

至治二年癸亥中秋月太平路醫學教授宛陵阮桂

榮書

重刻聞人氏小兒痘疹論

夫痘疹論者聞人氏規所著也規素業儒而久不得志以故銳意于岐黃之術而爲是書其說雖出于張從道百二十篇然考變分論因症分治因治應方而於病之緩急輕重寒濕補瀉攻擊保養罔不具載確而當簡而備視從道尤詳焉往歲余偶得其抄本遇痘疹者試之輒效因訪之醫家冀得刊本而無見者尋擢御史遊京師又博訪之醫與縉紳而亦無見者豈元季之亂而或失耶夫醫藥以濟其夭歟是書良術使湮沒而不傳則痘疹之兒罔籍以生而聞人氏

窮矣今歲余尹朝邑因思古人遺愛不可使斬而嬰
孩之瘍不可不恤乃於簿委之暇畧爲校正令剞劂
氏刊之縣齋庶布而傳之便家得一書而痘疹者胥
藉以生而聞人氏其延也但原本殘毀而字有脫誤
幸有刊本者是正之

皆

嘉靖壬寅仲秋六日前進士汾州劉尚義識

聞人氏痘疹論目錄

卷之上

小兒必患瘡痘者何

四臟各有證腎獨無證者何

名狀不同者何

瘡痘之熱與諸熱不同者何

諸熱失治皆能作瘡痘者何

潮熱者何

其勢輕重不同者何

有先發驚搐者何

有先作腹痛或腹中有塊者何

古人升麻湯治未發已發者何

戒失饑及冒風冷者何

必令避穢惡雜氣者何

防備入日方法者何

春夏爲順秋冬爲逆者何

始末日數有定論者何

出不快者何

出未勻者何

出太盛者何

以藥發之微盛不同者何

不可妄發及妄下者何

非微汗則表不解者何

非微下則裏不解者何

大便如常者何

戒輕用利藥者何

有可下證者何

有發出有溫出有解毒者何

有令大便過者有當溫者有當下者何

已利而瘡痘出則不可再利者何

大熱當利小便小熱當解毒者何

誤服熱藥則損目服冷藥則夭傷者何

有正瘡痘有膚疹者何

傷寒熱毒發疱瘡相似者何

冬溫發熱溫毒發斑者何

當先知節候陰陽臟腑虛實者何

身痒者何

身疼者何

瘡毒入大腸者何

攻咽疼者何

治入目方法者何

面青爲逆者何

遍身發青紫紋者何

狀如蚊蚤所啣而色黑者何

旣出而腹脹者何

小便赤澁心腹脹滿者何

出遲而朝夕啼哭者何

煩燥或虛煩不得睡者何

或吐或瀉而不能食者何

便血或下黑糞睡不醒者何

當下當救裏不同者何

鬱毒不散者何

斑爛者何

膿汁不乾者何

陷伏倒靨者何

黑陷而耳尻反熱者何

瘡黑有逆順者何

黑靨而發寒者何

既出而狂叫喘吸者何

熱盛則出愈難其證大便不通小便如血或

爲癰瘡身上破裂者何

不結痂死者何

誤以巴豆丸藥下之則內虛而熱不除者何

百祥丸證

猪尾膏證

已結痂死者欲不作癰痕或已成癰痕欲消者

其法何如

瘡痂起而能食者何

病後解利當觀虛實者何

餘毒作嘔吐者何

病後忽遍身青黑色手足痠癢口噤涎聲如

鋸者何

病後非時發搐搦者何

作痘癰結核腫毒者何

病後目翳忌用點藥者何

病後大小便不通或便膿血者何

餘毒咳嗽脇疼者何

餘毒作煩渴者何

天氣暄熱卽與疎利藥施之後亦當疎利者